

BOSNA I HERCEGOVINA



Memorijalni centar Srebrenica-Potočari Spomen obilježje i mezarje za žrtve genocida iz 1995. godine

Broj: 05-16-3-886-22/20

Datum: 03.12.2020. godine

Na osnovu člana 72. stav (3) Zakona o javnim nabavkama ("Službeni glasnik BiH" broj: 39/14 u daljem tekstu Zakon), te člana 16. Pravilnika o javnim nabavkama broj:02-368/15 od 18.06.2015.godine i preporuke Komisije za nabavke konstatirane u Zapisniku o pregledu i ocjeni ponuda broj: 05-16-3-886-16/20 od 19.11.2020. godine direktor Službe Memorijalnog centra Srebrenica-Potočari Spomen obilježje i mezarje za žrtve genocida iz 1995. godine donosi sljedeću:

ODLUKU

o dodjeli ugovora drugorangiranom ponuđaču u konkurentskom zahtjevu

I

Ovom Odlukom se Ugovor za javnu nabavku roba: " Traktorska kosačica ", u vrijednosti od **13.673,79 KM (slovima: trinaesthiljadašeststotinasedamdesettri i 79/100 KM)** sa **uključenim PDV-om** se dodjeljuje drugorangiranom ponuđaču Prox d.o.o. Ilidža, Blažuj 44-46, 71 215 Blažuj, Ilidža, koji je dostavio prihvatljivu ponudu sa najnižom cijenom.

II

Ova Odluka stupa na snagu danom donošenja, a odabrani drugorangirani ponuđač će biti obavješten pismenim putem o prijedlogu ugovora u predmetnom postupku javne nabavke. Izabrani ponuđač dužan je u roku do 5 (pet) dana od dana prijema ove odluke dostaviti na adresu ugovornog organa dokumentaciju iz člana 45. Zakona o javnim nabavkama.

Napomena: Izabrani ponuđač Prox d.o.o. Ilidža je dostavio u sastavu ponude broj: 1127/2020 od 04.11.2020. godine dokaze u skladu sa članom 45. Zakona o javnim nabavkama.

III

Ovom odlukom poništava se Odluka o izboru najpovoljnijeg ponuđača broj: 05-16-3-886-17/20 od 23.11.2020. godine za javnu nabavku roba: „Traktorska kosačica“ koja je donesena od strane Ugovornog organa.

IV

U skladu sa članom 70. stav (6) Zakona, Memorijalni centar Srebrenica-Potočari Spomen obilježje i mezarje za žrtve genocida iz 1995. godine će ovu Odluku objaviti na svojoj internet stranici: www.srebrenicamemorial.org i to istovremeno s upućivanjem Odluke svim ponuđačima koji su učestvovali u postupku nabavke.

Obrazloženje

Memorijalni centar Srebrenica-Potočari Spomen obilježje i mezarje za žrtve genocida iz 1995. godine, u skladu sa članom 88. Zakona, pokrenuo je konkurentski zahtjev broj: 05-16-3-886/20 za nabavku roba: Traktorska kosačica. Na Portalu javnih nabavki objavljeno je Obavještenje o nabavci broj: 1348-7-1-17-3-5/20 dana 22.10.2020. godine. Kriterij za dodjelu ugovora je „najniža cijena“.

Na osnovu Obavještenja o nabavci i tenderske dokumentacije izvršeno je javno otvaranje ponuda dana 12.11.2020. godine u 11,15 sati u prostorijama Memorijalnog centra Srebrenica-Potočari Spomen obilježje i mezarje za žrtve genocida iz 1995. godine, Potočari bb, Srebrenica, što je konstatovano u Zapisniku o otvaranju ponuda u skladu sa Zakonom. Komisija je na javnom otvaranju ponuda konstatovala da je ponudu dostavilo 3 (tri) ponuđača.

Komisija je prema članu 65. Zakona pristupila pregledu i ocjeni ponuda, što je evidentirano u Zapisniku o pregledu i ocjeni ponuda, koji je sastavni dio ove Odluke.

S obzirom da je na adresu ugovornog organa pristigao dovoljan broj prihvatljivih ponuda, a prema uslovima iz tenderske dokumentacije, Komisija je u skladu sa odredbama Pravilnika o uslovima i načinu korištenja e-aukcije ("Sl. glasnik BiH" broj 66/16), dana 19.11.2020. godine u 10,00 sati zakazala e-aukciju, prema kriteriju najniža cijena ponude, a prema tački 6.5. tenderske dokumentacije.

Nakon održane e-aukcije, koja je trajala 34 minute, te shodno priloženom izvještaju, broj postupka: 1348-7-1-17/20 od 19.11.2020. godine u 10,34 sati, ugovor u vrijednosti od 13.455,00 KM (slovima: trinaesthiljadačetiristotinepedesetpet i 00/100 KM) sa uključenim PDV-om dodjeljen je ponuđaču Agromehanika komerc d.o.o. Banja Luka, Prote Nikole Kostić bb, 78000 Banja Luka, koji je dostavio prihvatljivu ponudu sa najnižom cijenom. Na osnovu naprijed navedenog, Ugovorni organ je prihvatio prijedlog Komisije za nabavke i donio Odluku o izboru najpovoljnijeg ponuđača broj: 05-16-3-886-17/20 od 23.11.2020. godine.

U skladu sa tenderskom dokumentacijom, izabrani ponuđač kojem bude dodijeljen ugovor, obavezan je dostaviti dokaze o ispunjenju uslova u skladu sa članom 45. Zakona o javnim nabavkama. Dokazi moraju biti fizički dostavljeni na protokol ugovornog organa najkasnije peti (5) dan po prijemu odluke o izboru najpovoljnijeg ponuđača, u radnom vremenu ugovornog organa (od 08:00 do 16:00 sati). Dokumenti ili uvjerenja koja dostavlja izabrani ponuđač ne smiju biti starija od tri mjeseca, računajući od dana dostavljanja ponude (tačka 14.8. tenderske dokumentacije).

Ponuđač Agromehanika komerc d.o.o. Banja Luka u ponudi broj: 1/20 od 10.11.2020. godine je dostavio Izjavu o ispunjavanju uslova iz člana 45. stav (1) tačka od a) do d) Zakona i dio dokaza o ispunjenju uslova iz člana 45. Zakona o javnim nabavkama, što je evidentirano u Zapisniku o pregledu i ocjeni ponuda broj: 05-16-3-886-16/20 od 19.11.2020. godine, koji je zajedno sa Odlukom o izboru najpovoljnijeg ponuđača dostavljen svim ponuđačima u predmetnoj javnoj nabavci.

Izabrani ponuđač u svojoj ponudi broj: 1/20 od 10.11.2020. godine dostavio je dokaze iz tačke c) i d) **Izjave o ispunjavanju uslova iz člana 45. stav (1) tačka od a) do d) Zakona te propustio dostaviti dokaze iz tačke a) i b) iste Izjave.**

Izabrani ponuđač propustio je dostaviti sljedeće dokaze:

- a) Uvjerenje nadležnog suda kojim dokazuje da u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;
- b) Uvjerenje nadležnog suda ili organa uprave kod kojeg je registrovan ponuđač, kojim se potvrđuje da nije pod stečajem, niti je predmet stečajnog postupka, da nije predmet postupka likvidacije, odnosno da nije u postupku obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;

Izabrani ponuđač propustio je dostaviti i dokaz u skladu sa aktom Suda Bosne i Hercegovine kako slijedi:

Sud BiH je svojim aktom od 21.05.2019. godine, obavijestio Agenciju za javne nabave da je u cilju urednosti ponuda, a prema član 45. stav (1) tačka a), u vezi sa stavom (2) tačka a) istog člana Zakona, neophodno da svaki kandidat/ponuđač kumulativno dostavi potvrdu Suda BiH i potvrdu suda prema sjedištu pravne osobe, odnosno kandidata/ponuđača, iz razloga što nije definiran Jedinostveni registar na nivou Bosne i Hercegovine, u koji bi se upisivale pravosnažne presude za osuđene za krivična djela organizovanog kriminala, korupcije, prevare i pranja novca.

Shodno tome, ponuđač je dužan da dostavi uvjerenje izdano od strane Suda BiH i suda nadležnog prema svom sjedištu, iz kojeg je vidljivo da mu u krivičnom postupku nije izrečena pravosnažna presuda kojom je osuđen za sva krivična djela iz člana 45. stav (1) tačka a) Zakona. Međutim, nije prihvatljivo uvjerenje izdano od bilo kojeg suda u BiH, u kojem nisu pobrojana sva navedena krivična djela, već samo neka od njih ili uvjerenje suda koji uopće nije nadležan prema sjedištu ponuđača.

Ugovorni organ je dana 27.11.2020. godine putem protokola (protokol broj: 05-16-3-886-20/20) zaprimo dopis izabranog ponuđača Agromehanika komerc d.o.o. Banja Luka Predmet: Informacija u kojem izabrani ponuđač obavještava Ugovornog organa da uvoznik s kojim ima saradnju trenutno nema na stanju ponuđene traktorske kosačice te da se firma Agromehanika komerc d.o.o. Banja Luka ne može obavezati da će traktorske kosačice isporučiti u predviđenom roku.

U gore navedenom dopisu izabrani ponuđač navodi i molbu za prolongiranje roka isporuke do kraja januara mjeseca i nudi dodatne pogodnosti.

Dana, 03.12.2020. godine Komisija za javne nabavke u Memorijalnom centru Srebrenica-Potočari Spomen obilježje i mezarje za žrtve genocida iz 1995. godine dostavila je Odgovor na molbu broj: 05-16-3-886-21/20 u kojem navodi da nije u mogućnosti pozitivno odgovoriti na molbu a zbog poštivanja odredbi Zakona o javnim nabavkama, uslova datih u tenderskoj dokumentaciji broj: 05-16-3-886/20 od 22.10.2020. godine i same transparentnosti postupka javne nabavke.

Sa obzirom da upućeni dopis ne odlaže ispunjenje uslova u vezi člana 45. Zakona o javnim nabavkama i da izabrani ponuđač nije dostavio dokumentaciju u traženom roku te da je dostavio informaciju da neće biti u mogućnosti izvršiti isporuku robe iz predmetne nabavke, Ugovorni organ postupio je u skladu sa članom 72. stav (3) Zakona o javnim nabavkama i

donio Odluku o dodjeli ugovora drugorangiranom ponuđaču Prox d.o.o. Ilidža.

U skladu sa prednje navedenim donesena je odluka kao u dispozitivu.

Pouka o pravnom lijeku:

Protiv ove Odluke može se uputiti žalba u roku od 5 (pet) dana od dana prijema ove Odluke. Žalba se izjavljuje Ugovornom organu u pisanoj formi direktno, elektronskim putem ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od 3 (tri).

Prilog:

- Zapisnik o pregledu i ocjeni ponuda



DIREKTOR
Službe Memorijalnog centra
Dr. Emir Suljagić

Dostaviti:

- svim učesnicima u postupku,
- u predmet,
- a/a.